

IMAQARNILIAQ SAA- Sanarfinermut Avatangiisinullu Ataatsimiititaq 27-04-2023

Ulloq ataatsimiiffissaq Torsdag 27. april 2023 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilaqtariinnut ataatsinut illup ulloq unnuarlu paaqqinnittarfinngorlugu allangortinneqarnissaanut q	6
Iluarsiissuteqarneq, kommunimut pilersaarummut tapiliusseq N1-1 - nunaannarmi Utoqqarmiut Ka	10
Tasiilami sanaartormik ilisimasalik.....	13
Kommunimut pilersaarummut tapiliusseq 19B1 aamma 19B2 Qeqertarsuatsiaani Inuussutissarsiorf	16
2023-mi Pilersaaruseriornermi periusissatut siunnersuut.....	20
Kommuneqarfik Sermersuumi eqqakkat pillugit malittarisassat nutartikkat tusarniaassutigineqarner	24
Kommunimut pilersaarummut tapiliussassatut siunnersuut 1C26-2 Hotel Tuapannguit, Nuuk, pillug	27
Nuummi akunnittarfiit inissisimaffii.....	30
Kommunimut pilersaarummut tapiliusseq 2B1-2 Industrivej, Nuuk.....	33
Pilersaarutitut siunnersuut Nuna Immikkoortoq Nutaaq inaarutaasumik akuersissutigineqarnera.....	36
Nuup illoqarfiani sumiiffik aqquuserngillu taaguusersorneqartussat.....	41
Sumiiffiit Aqquuserngillu Taaguutaannik Siunnersuisoqatigiinnut ilaasortanik qinersineq.....	44
Lukket.....	47
Lukket.....	48
Taasariaqartut allat.....	49
Imaqarniliap akuerineqarnera.....	50

Punkt .: Saqqaa

Ilaasortat:

Finn Karlsen (N), *siulittaasoq*
Uju Petersen (IA)
Lone Rosengreen Pedersen (IA)
Naya Sophia Pedersen Lyberth (IA)
Justus Hansen (D)
Peter Davidsen (S)
Dines Mikaelen (S)

Beslutning

Ataatsimeeqataasut:

Finn Karlsen (N), *formand*
Uju Petersen (IA)
Naya Sophia Pedersen Lyberth (IA)
Peter Davidsen (S)

Attaveqaatitigut peqataavoq:

Justus Hansen (D)

Ataatsimeeqataasinnaanatik nalunaartut:

Lone Rosengreen Pedersen (IA)
Dines Mikaelen (S)

Punkt .: Oqaluuserisassat akuersissutigineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Sanaartorneq:

Nuuk:

- NCD-mit tigusineq ingerlavoq.

Paamiut:

- Tamakkiisumik pilersaarutaasoq minnerulersillugu ingerlanneqarpoq (entreprenørinik amigaateqarneq peqqutigalugu)

Tasiilaq 3 - 10 maaji

- Tamakkiisumik pilersaarummik misissuineq
- Illunik misissuineq Nuka peqatigalugu
- Sanaartorfissagissaanermik misissuineq, 30A11
- Kalaalimineerniarfimmik misissuineq
- Sanaartornermut missingersuut pillugu Inuusutissarsiutinut siunnersuisooqatigiinnik ataatsimeeqateqarneq
- Nunaqarfinnut angalaneq, ajornanngippat

Ittoqqortoormiit 15 - 24 maaji.

- Tamakkiisumik pilersaarummik misissuineq
- Utoqqaat illuat (pilersaarutitut saqqummiussassaq) kiisalu atuarfik (peqqussut peqqutigalugu nukinginnartoq) pingaernerutillugit illunik misissuineq.
- Ukiunik 100-nngortorsiornissamat piareersarnek, 2024, ass. katersugaasiviup illutaa.

Upalungaarsimaneq:

- Ulloq 17. april HHE-mi 50-nik peqataaffigineqartumi Kommuneqarfik Sermersuumi siunissami upalungaarsimaneq pillugu workshopertitsisoqarpoq iluatsilluartumik.

Ingerlatsineq:

- Aalisarnermi siunnersuisooqatigiit ataatsimiipput ulloq 17. april
- Kommunip puttasuini umiatsiaaqqanik 10-15-nik qalluineq aallartinneqarpoq (qaammatini pingasuni piginnittussarsiorneqassapput)
- Asfaltilersuineq juunip aallartinnerani aallartinneqarnissaa naatsorsuutigineqarpoq.

Pilersaaruseriorneq Oqartussaaffeqarfillu:

- Pilersaaruseriorneq Oqartussaaffeqarfillu maajimi Nuummi soraarfiup nalaani sanaartornermi suleqatinik ataatsimeeqateqassaaq. Oqaluuserisassat tassaapput qinnuteqaatit, aallarnisaatigalugu oqaloqatigiinneq, sanaartorfinni torersaaneq.
- 2023-mi angallattunik kisitsineq sapaatip akunnera 23-mi pilersaaruseriorneqarpoq - taassuma kingorna angallannermi pitsannngorsagassanik ujaasissaagut.
- Ulloq 21. maaji Nuutoqqami tamanut workshopertitsisoqassaaq, tassani tassunga angallannerup matuneqarnissaa pilersaaruseriorneqassalluni.

Punkt 1: Ilaqutariinnut ataatsinut illup ulloq unnuarlu paaqqinnittarfinngorlugu allanngortinneqarnissaanut qinnuteqaat, Manngua 25, Nuussuaq

Beslutning

Najoqqutassat pillugit Sanarfinermut Avatangiisinullu, Meeqqanut Ilaqutariinnullu aamma Meeqqanut Atuarfeqarnermullu Ingerlatsiviit akornanni oqaloqatigiittoqareernissaata tungaanut oqaluuserisassaq 1 kinguartinneqarpoq. Siunnersuut ikinnerussuteqartunit (D) akuersissutigineqarpoq.

Bilag

Qinnuteqaat

Sanilerisamik tusarniaanerit

Tusarniaanermut akissut

Immikkoortoq ulloq unnuarlu paaqqutarinnittarfitalimmit assilisaq

Ilaqutariinnut ataatsinut illup ulloq unnuarlu paaqqinnittarfinngorlugu allangortinneqarnissaanut qinnuteqaat, Manngua 25, Nuussuaq

Aalajangiiffigisassaq

SagsID.: BOG-2021-06448-002

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamat inassuteqaatigineqarpoq:

- Nunaminertamik atugassiinermi atuuffiup allangortinneqarnissaa akuersissutigineqassasoq

Suliassamik saqqummiussineq

Sanarfinermut Avatangiisinullu Ingerlatsivik ilaqutariit ataatsit illuat Manngua 25, Nuussuarmiittup nunaminertamik atugassiisutit allangortinnissaanut ulloq unnuarlu angerlarsimaffittut atorneqarnissaanik qinnuteqaammik tigusaqarpoq. Illu kommunimut pilersaarummut tapiliussaq 2A3-2-mut ilaavoq – taannalu immikkoortup ilaanut 2A3-mut Manngua inissiaqarfimmut ilaavoq. Immikkoortup ilaata atorneqarnera inissiatut siunertanut (A), inuussutissarsionermik siunertanut naleqqussarneqarsinnaasutut kiisalu paaqqinnittarfittut periarfissaqartinneqarluni atorneqassaaq. Immikkoortup inissiaqarfiunera allangortinneqassanngilaq. Immikkoortup ilaata killilersorneqarnera immikkuualuttunut marlunnut agguataagaavoq. Immikkuualuttoq A inissianut akulikitsunut-pukkitsunut atugassiaavoq Immikkuualuttorlu B inissianut ammasunut-pukkitsunullu atugassiaalluni.

Illu inissiaqarfimmi immikkuualuttoq B-mi inissisimavoq, taamaalillunilu atorneqarnerata allangortinnissaa immikkut ittumik akuersissutigisariaqarluni.

Suliamik suliarinninnermut atatillugu suliamik saqqummiussinissaq sioqqullugu ingerlatsivik imaattunik suliaqarsimavoq:

- Ingerlatsiviup inissisimaffik misissorsimavaa, tamaanilu pissutsit assingusut misissorsimallugit
- Ingerlatsiviup qinnuteqaatit Mannguani eqqaamiorisanut tusarniaassutigaa

Qinnuteqaat

Qinnuteqaammi atuarneqarsinnaavoq, ulloq unnuarlu paaqqinniffik meeqqanut arfineq marlunnut, 13-it ataallugit ukiulinnit, najugarineqassasoq. Paaqqinniffik ulloq unnuarlu sulisoqartassaaq, marlunnik sulisoqakkajulluni. Najugaqartut tamarmik nalinginnaasumik atuartuupput, taakkulu meeqqatut allatut taamatut ukiulittut illoqarfimmi sunngiffimmi sammisassaqartitsiniutinut assigiinngitsunut ilaasarput. Paaqqutarineqartut aasaanerani sapaatip-akunnerisa naaneranni kangerluk ornikkajuppaat aammalu atuannigiffik tamaat kangerlummi aasarsiorumasarput. Paaqqutarineqartut immikkut pisariaqartitsisuunngillat, taamaallaat ullup ingerlanerata iluseqartinnissaa peqqinnartumillu atugaqartitaanissaq.

Qinnuteqartoq tassaavoq Jason Nystrup, inissiamik Amaro´ApS-imut tuniserusuttoq taassumalu inissiaq Paaqqinniffimmut Imminut Pigisumut Amarok´-mut attartortissavaa.



Suliamut tunngasumik naliliineq

Ingerlatsivimmit Nuummi ulloq unnuarlu paaqqinnittarfiit tamaasa misissorneqarput, paasillugulu kommunimut pilersaarummut pilersaarusiormi tassani ulloq unnuarlu paaqqinnittarfinnut marlunnut nunaminertamik atugassiisoqareersimasoq.

Ingerlatsiviup nalilerpaa, sumiiffimmi allamik ulloq unnuarlu paaqqinnittarfeqarsinnaasoq, tamaani inissisimasunut sunniuteqarnerluutaanngitsumik imaluunniit kommunimut pilersaarummut tapiliussami atuinissamut aalajangersakkat malillugit sumiiffiup inissiaqarfiuneranik allannguutaanngikkaluartumik.

Naliliinermi immikkuualuttumi inissiat ataasiakkaat amerlassusaat ulloq unnuarlu paaqqinnittarfiit amerlassusaannut sanilliunneqarput, angallannermut atugassarititaasut nalilerneqarput kiisalu immikkoortoq ataatsimut isigalugu nalilerneqarpoq.

Immikkoortumi inissiat 43-t missaanniipput, paasissutissallu pigisavut tunngavigalugit maanna marlunnik ulloq unnuarlu paaqqinnittarfeqarpoq. Qinnutigineqartumut nunaminertamik atugassiineq nalunaarutigineqassappat, ulloq unnuarlu paaqqinnittarfiit katillugit pingasuussapput.

Angallannermut tunngasut eqqarsaatigalugit, sumiiffimmi annertunerusumik artorsiisoqarnaviannngitsooq kommunip nalilerpaa. Tamanna ulloq unnuarlu angerlarsimaffimmi sulisut qassiunissaanik, qanorlu ilinikkut suliffigineqartarnissaanut tunngaveqarpoq. Taava aamma biilit uninngasarfiisa ilaneqarnissaat piumasarineqassanngilaq.

Suliaq sanaartornermut inatsit naapertorlugu suli nalilersorneqaranilu suliarineqanngilaq.

Eqqaamiorisanik tusarniaaneq

Pilersaarusiormermit inatsit naapertorlugu kommune immikkut ittumik akuersissuteqarsinnaavoq, kommunimut pilersaarummut tapiliussami tunngavinnut akornutaanngippata. Taamaattorli eqqaamiorisanut tusarniaasoqassaaq, eqqaamiorisanut suliamut attuumassuteqartutut kommunip isumaqarfignissaanut, taamaalillunilu suliamut tunngatillugu sukumiisumik, pingaarutilimmik, toqqaannartumik ataasiakkaatullu soqutigisalimmut.

Eqqaamiorisamut tusarniaaneq 20.03.2023-miit – 04.04.2023-p tungaanut pivoq, qinnuteqaatigineqartumullu ataatsimik akerliliissummik tigusaqartoqarpoq.

Akerliliisut isumaqarput immikkoortumi ilaqutariinnut ataatsinut illunut taama qanitsigisumi ulloq unnuarlu paaqqinnittarfeqalissappat toqqissisimannngitsutut misigissallutik, najugaqarfimmi eqqissisimasumi najugaqartunit serlersarneqarnissamut akornusersorneqarnissarlu ernummateqarneq pissutigalugu. Ilannguppaat meeqqat utaqqiisaasumik angerlarsimaffiup avataanut inissinneqarsimasut immikkut pisariaqartitsisuusinnaasut. Tamanna pillugu akerliliissuteqartut immikkoortumi ulloq unnuarlu paaqqinnittarfiit ilaqqinneqarnissaat kissaatiginngilaat.

Ingerlatsivimmit aningaasatigut sulisoqarnikkullu naliliinerit
Soqanngilaq.

Suliffeqarfimmut Kiffartuussivimmit aningaasatigut naliliineq
Attuumassuteqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq
- Kommunitut pilersaarummut tapiliussaqaq 2A3-2 - immikkuualuttoq 2A3 Mannguami inissiaqarfimmut ilaasoq
- Kommunitut pilersaarut 2032

Ilannussat

1. Qinnuteqaat
2. Sanilerisamik tusarniaanerit
3. Tusarniaanermut akissut
4. Immikkoortoq ulloq unnuarlu paaqqutarinnittarfitalimmit assilisaq

Punkt 2: Iluarsiissuteqarnek, kommunimut pilersaarummut tapiliussaq N1-1 - nunaannarmi Utoqqarmiut Kangerluarsunnguani erngup nukinganik nukissiorfik

Beslutning

Inassuteqaat akuersissutigineqarpoq.

Bilag

Iluarsisaq, kommunimut pilersaarummut tapiliussaq N1-1 Utoqqarmiut Kangerluarsunnguanni erngup nukinganik nukissiorfik

Iluarsissuteqarneq, kommunimut pilersaarummut tapiliusseq N1-1 - nunaannarmi Utoqqarmiut Kangerluarsunnguani erngup nukinganik nukissiorfik

Aalajangiiffigisassaq

SagsID.: ANL-2021-00005

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat


Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliusseq N1-1 Utoqqarmiut Kangerluarsunnguanni erngup nukinganik nukissiorfik pillugu iluarsissuteqarneq akuersissutigineqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmut paasisitsiissutigineqarsimavoq, kommunimut pilersaarummut tapiliusseq N1-1 Utoqqarmiut Kangerluarsunnguanni erngup nukinganik nukissiorfik akuersissutigineqarneranut atatillugu allaffissornikkut kukkuluttortoqarsimasoq. Kukkunertaa tassaavoq, immikkoortup ilaata killeqarfilersorneqarnera illoqarfiup immikkoortuini pilersaarutaareersunut sakkukillisaaveqarfiup iluanut atatittoorneqarsimanera. Tamanna naleqqutinngitsut nallilerneqarpoq, *siunertaanngimmammi* immikkoortup ilaa assersuutigalugu mittarfeqarfiup killeqarfiata iluanut atatinneqarnissaa.

Kukuluttornerup kingunerisaanik annertunngitsumik iluarsissuteqarnerummat pilersaarutillu tunngaviatigut imarisaanut akерliunngitsut nallilerneqarmat, pilersaarut nutaamik tusarniaassutigineqassanngilaq.



Ingerlatsivimmit aningaasatigut sulisoqarnikkullu naliliinerit Naliliinertaqanngilaq.

Suliffeqarfimmut Kiffartuussivimmit aningaasatigut naliliineq Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Pilersarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunitut pilersaarut digitaliusoq www.kp.sermersooq.gl

Ilannussat

1. Iluarsisaq, kommunimut pilersaarummut tapiliussaq N1-1 Utoqqarmiut Kangerluarsunnguanni erngup nukinganik nukissiorfik

Punkt 3: Tasiilami sanaartormik ilisimasalik

Beslutning

Inassuteqaat imatut oqaaseqaatitalerlugu itigartitsissutigineqarpoq: Atorfik ukiup naanissaata tungaanut inuttalerniarneqassaaq piffissallu killigititap nallernerani sanaartormik ilisimasalimmik atorfinitsitsisoqarsimanngippat, suliaq suliarineqaqqissaaq.

Tasiilami sanaartormik ilisimasalik

Aalajangiiffigisassaq

SagsID.: EMN-2023-01612

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommuneqarfik Sermersooq tamakkerlugu sanaartormi sulianik suliarinninnermik pitsanngorsaannermut siunertaq 07.05.01-miitiinnarlugit 600.000 koruunit atorineqassasut akuerineqassasq
- suliaq Aningaasaqarnermut Inuusutissarsiornermullu Ataatsimiititamut akuersissutigisassanngorlugu ingerlateqqinneqassasq

Suliasamik saqqummiussineq

Kommunalbestyrelsen 2022-mut missingersuusionermut atatillugu Tasiilami Sanaartormut Immikkoortortaqqarfimmi sanaartormik ilisimasalimmik pissarsiornermut 600.000 koruunit immikkoortinneqassasut aalajangiuppaa. Ingerlatsiviup 2022-mi ukiumi affarmi siullermi sanaartormut pisortamik taarsiineq aqquusaarsimavaa tamatumalu kingorna atorfimmik inuttassarsiuussivoq 2022-mi septembarip ulluisa 16-iannut killilerlugu. Ajoraluartumik piukkunnartumik qinnuteqartoqanngilaq, taamaattumik atorfik inuttassarsioqqinneqarpoq. Tassanilu pissarsiorneq aamma iluatsinngilaq. Tamanna tunngavigalugu ingerlatsivik naliliivoq, Tasiilamut iluatsittumik pissarsiorneq ilimanaateqanngitsq.

Suliasat maannakkut suliarinerinut Sanaartormut Immikkoortortaqqarfiup Iserit suleqatigaa Tasiilap eqqaanilu suliasat pillugit soorluttaaq sulisut Nuummiit Tasiilaliartartut suliarlorlutik. Ingerlatsivik sulisutigut unammilligassaqqarpoq kommune tamakkerlugu sanaartormi pilersaarutiniq kivitseqataanissamut atatillugu. Sanaartormut Immikkoortortaqqarfik kommunimi sanaartormi pilersaarutinut illuutaanullu 338-usunut massakkut arfineq marlunnik sulisoqqarpoq.

Taamaattumik ingerlatsiviup inassutigaa, aningaasaliissutit siunertaq 07.05.01 Oqartussaaffeqarfimmi suliaqarneq teknikkimut, avatangiisimut pilersaarusionermullu ataaniiginnassasut, Sanaartormut Immikkoortortaqqarfik aamma sulisut sanaartormik ilisimasallit sinneri aningaasarsiaqartinneqarmata. Taamaaliornikkut aningaasat kommune tamakkerlugu sanaartormi sulianik suliarinninnermut qaqqitsinnermut atorineqarsinnaallutik. Allatut iliornikkut aningaasaliissutit missingersuutinit peerneqarsinnaapput allatullu pingaarnersiorneqarlutik.

Ingerlatsivimmit aningaasatigut sulisoqqarnikkullu naliliinerit

Ingerlatsivik naliliivoq, ingerlatsivimmi piffissaq tamakkiisoq atorfinitsitsisinnaasoq kommune tamakkerlugu sanaartormi sulianik suliarinnittarneq pitsanngortinniarlugu. Taakkua 600.000 koruunit missingersuutinut ilaareerput, taava inassuteqaammik akuersissuteqarneq missingersuutitigut kinguneqaataassanngilaq.

Suliffeqqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o 2022-mut missingersuutit, siunnersuutip normua P30



Ilanngussat
Soqanngilaq.

Punkt 4: Kommunitut pilersaarummut tapiliusseq 19B1 aamma 19B2 Qeqertarsuatsiaani Inuussutissarsiorfik umiarsualiveqarfittullu immikkoortortat inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliusseq 19B1-1 aamma 19B2-1 Qeqertarsuatsiaani Inuussutissarsiorfik umiarsualiveqarfittullu immikkoortortat

Suliassamik saqqummiussineq nunaminertamik 22.02.2022 qinnuteqarneq pillugu



Kommunimut pilersaarummut tapiliusseq 19B1 aamma 19B2 Qeqertarsuatsiaani Inuussutissarsiorfik umiarsualiveqarfittullu immikkoortortat inaarutaasumik akuersissutigineqarnera

Aalajangiiffigisassaq

SagsID.: EMN-2022-05114

Sanarfinermut Avatangiisinullu Ingerlatsivik - pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut Qeqertarsuatsiaani 19B1 aamma 19B2 Inuussutissarsiorfik umiarsualiveqarfittullu immikkoortortat akuerineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup matumuuna kommunimut pilersaarummut tapiliussassatut 19B1 aamma 19B2 Qeqertarsuatsiaani Inuussutissarsiuteqarfik umiarsualiveqarfittullu immikkoortortat saqqummiuppa. Kommunimut pilersaarummut tapiliusseq siunnersuutitut sapaatip-akunnerini arfineq-pingasuni tamanut, piffissami 04. januaari – 1. marsi 2023-mi, tusarniaassutigineqarpoq. Piffissami tusarniaaffiusumi tusarniaanermut akissuteqaat ataaseq tiguneqarpoq, taannalu oqaaseqatigiinnik annikitsunik allannguuteqartitsinermik kinguneqarpoq.

Tusarniaanermut akissuteqaat Ineqarnermut Attaveqaasersuutinullu Naalackersuisoqarfimmeersuuvoq, tassanngaanniillu Umiarsualiviit pillugit Inatsisartut inatsisaat nr. 9, 3. juni 2015-imeersoq tunngavigalugu sanaartornissamut, alliliinissamut umiarsualivinnillu ingerlatsinermut akuersissuteqartoqartartoq erseqqissaassutigineqarpoq. Tamatuma saniatigut Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-imeersoq malillugu nutaanik sanaartunnginnermi kiisalu sanaartukkanik alliliinerit allannguutilluunniit pillugit allakkatigut Avatangiisinut Naalackersuisumut nalunaaruteqartoqartassaaq. Tamanna kommunimut pilersaarummut tapiliussami ilanngunneqarpoq, tassanilu inatsimmut pineqartumut innersuussuteqartoqarluni.

Taamaattorli kommunimut pilersaarummi tassungalugu ilassutini siunertanut immikkut ittunut, tassunga ilanngullugu umiarsualivimmi siunertanut, nunaminertanik atugassiinissaq siunertaasoq ingerlatsivimmit erseqqissaatigineqarpoq. Matumani kommunimut pilersaarummut tapiliussassatut Kommunalbestyrelsip §32 tunngavigalugu nunaminertamik qinnuteqaatip itigartitsisoqarnissaanik aalajangiinera tunngavigalugu, takuuk ilanngusseq 2.

Siuserisussuk suliaq aamma §32, 22.02.2022 tunngavigalugu unitsitsineq

Nunaminertaq aalisakkerivimmut qinnutigineqartoq itigartinneqartorlu immikkoortup ilaani 19B-1-imi inissisimasooq pineqarpoq, tassani soqutigisaqartoq sanaartornissaminik kissaateqarsimavoq. Kommunimut pilersaarummi Qeqertarsuatsiaanut sukumiisumik aalajangersaasoqarsimanngimmat, ingerlatsiviup qinnuteqaat Nunaqarfimmi aqutsisunut tamanullu tusarniaassutigineqartussanngorlugu ingerlateqqippaa. Piffissami tusarniaaviusumi tusarniaanermut akissutit marluk tiguneqarput, taakku aappaat Nunaqarfimmi Aqutsisunersuuvoq, aalisakkerivimmik kissaateqanngitsunit. B-157-ip eriagisariaqartutut inissisimatinneqarnera pillugu suliaq ingerlanneqarpoq, taannalu Nunaqarfimmi Aqutsisunit paaseqqaarusunneqarpoq. B-157 nunaminertap qinnuteqarfigneqartup saninnguani inissisimavoq. Tusarniaanermi

akissuteqaatigineqartup aappaanit oqaatigineqarpoq sumiiffimmi aalisartut aalisakkerivik tapersersunngikkaat.

Ulloq 22. februaari 2022 kommunalbestyrelsimit immikkoortup ilaa pillugu §32 malillugu unitsitsisoqarpoq (Inatsisartut inatsisaat nr. 17, 17. novembari 2010-meersoq naapertorlugu). Tassa imaappoq, kommunimut pilersaarummut tapiliussap nutaap suliarineqarnerata nalaani nunaminertat illuliornermillu suliarinninneq ukiup ataatsip missaani unitsinneqassasoq. Inerteqquteqarnerup qulakkiissavaa pilersaarummi nutaami anguniarneqartunut akerliusunik pilersitsisoqannginnissaa.

Innuttaasunik ataatsimiititsineq 22.06.22

Kommunimut pilersaarummut tapiliussassatut matuma suliarineranut atatillugu Qeqertarsuatsiaani innuttaasunik ataatsimiititsisoqarpoq ulloq 22.06.22, tassani innuttaasut 20-t missaanniittut peqataapput.

Ataatsimiinnermi erseqqissarneqarpoq innuttaasut Qeqertarsuatsiaani aalisakkeriveqalernissaa kissaatigigaat, kisianni sumiiffimmut atassuteqartinneqarpat aatsaat. Peqatigitillugu Qeqertarsuatsiaani innuttaasunit B-157-ip eriagisassatut inissisimaannarnissaa kissaatigineqarpoq. Ataatsimiinnermi innuttaasut arlallit immikkoortup ilaata 19B1-ip ilaatigut nunniorlugu malinnut akimmiffissatut, puttasunut kiisalu talittarfiup tallissutissaanut atorneqarnissaa kissaatigineqarpoq. Suliniutissat arlallit matumani kommunimut pilersaarummut tapiliussami nunaminertatigut periarfissaqarput.

Kommunimut pilersaarummut tapiliussaq

Inuussutissarsiuteqarfiusinnaasut allilerneqarneri Qeqertarsuatsiaani periarfissat annertusarneqassasut ingerlatsivik naliliivoq. Ingerlatsiviup taamaalilluni Qeqertarsuatsiaani inuussutissarsiuteqarfiit taakku marluk ataatsimoortillugit pilersaarusiortigineqarnissaat toqqarpaa.

Taamaalilluni kommunimut pilersaarummut tapiliussassatut 19B1 Qeqertarsuatsiaat kitaani Inuussutissarsiortifittut umiarsualiveqarfimmullu kiisalu 19B2 Qeqertarsuatsiaat avannaani Inuussutissarsiortifittut umiarsualiveqarfimmullu tunngavoq. Kitaatungaani immikkoortup ilaa 19B1, ilaneqassaaq katillugu 3,2 ha missaannik annertussuseqalissaaq aamma immikkoortup ilaa avannarleq, 19B2 ilaneqassaaq katillugu 0,6 ha missaannik annertussuseqalissaaq.

Kommunimut pilersaarummut tapiliussami immikkoortut inuussutissarsiortermit - aamma umiarsualiveqarnermit atuuffiisa aalajangiusimaneqarnissaat aamma taakkua piffissamut naleqquttumik ineriartortinneqarnerannik qulakkeerinninneq. Siunnersuummi immikkoortup ilaata 19B2-p annertusitinneratigut immikkoortup ilaani inuussutissarsiortermit atuuffiit ataatsimoortinneqarlutik annertunerulersinneqarnissaat periarfissaalissaaq. Taamaalillunilu immikkoortup ilaani tassani ataasiinnarmik aalisakkeriviliortoqarsinnaavaoq.

Immikkoortup ilaanut 19B1 siunertat aamma tunngavittut periutsit:

- Immikkoortup ilaa annertusineqassaaq nunaminertaq katillugu 3,2 ha..missaannik annertussuseqalersillugu
- Nutaamik nunniukkat / malinnut assiaqutinik marlunnik nutaanik pilersitsinissamut nunaminertaliisoqassaaq
- Angallatinut inissiisarfinnut puttasunik nutaanik pilersitsinissamut nunaminertaliisoqassaaq
- Umiarsualiviup allinissaanut nunaminertaliisoqassaaq

Immikkoortup ilaanut 19B2-mut pilersaarummut siunertat aamma tunngaviit:

- Immikkoortup ilaa kimmut annertusineqassaaq nunaminertaq katillugu 0,6 ha..missaanik annertussuseqalersillugu
- Umiarsualiviup allineqarnissaanut nunaminertaliisoqassaaq
- Inuussutissarsiuteqarfinnik sanaartorfissiamik atugassiisoqassaaq

Sillimaffigisassaq

Ullumikkut immikkoortup ilai 19B2-mi aalisakkeriveqarpoq. Ingerlatsiviup erseqqissaatigaa, oqartussaaffeqarfinit assigiinngitsunit qerititsivinni nillartaatsivinnilu amoniakimik akulinnik peqarnera nutaamik eqqumaffigineqalersoq. Eqqumaffigisassat tamakkua suliasaqarfimmi sanaartornermi suliamik ingerlatsinermi eqqumaffigisassanut ilaatinneqartariaqarput. Tusarniaanermut piffissarititaasumi oqartussaasunit attuumassutilinnit oqaaseqaatinik nalilersuinermillu aallertoqassaaq.

Ingerlatsiviup kommunimut pilersaarummut tapiliussatut siunnersuummut atatillugu suliffeqarfiit najukkami pigiliunneqartut pillugit kissaatigineqartoq sillimaffiginngilaa, kikkut suliffeqarfinnik pilersitsisinaanersut pillugit ingerlatseqatigiiffiit pillugit inatsit innersuussutigalugu.

Immikkoortut ilaannut 19B1 aamma 19B2 siusinnerusukku kommunimut pilersaarutitut tapiliussanik suliaqartoqarsimanngilaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatiillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 19B1-1 aamma 19B2-1 Qeqertarsuatsiaani Inuussutissarsiorfik umiarsualiveqarfittullu immikkoortortat
4. Suliasamik saqqummiussineq nunaminertamik 22.02.2022 qinnuteqarneq pillugu

Punkt 5: 2023-mi Pilersaarusionermi periusissatut siunnersuut

Beslutning

Inassuteqaat akuersissutigineqarpoq.

Bilag

Pilersaarusionermut periusissamut siunnersuut 2023 – Sermersooq, najugaqarfigissallugu pitsaasoq

Tungaviusumik nalunaarut



2023-mi Pilersaarusiornermi perusissatut siunnersuut

Sermersooq, najugaqarfigissallugu pitsaasoq

Aalajangiiffigisassaq

SagsID: EMN-2022-01694

Sanarfinermut Avatangiisinullu Ingerlatsivik - pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- 2023-mi Pilersaarusiornermi perusissatut siunnersuut akuereqqullugu – *Sermersooq, najugaqarfigissallugu pitsaasoq*
- suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu akuersissutigisassanngorlugu kiisalu sapaatip akunnerini qulini tamanut tusarniaassutigineqarnissaa siunertarlugu ingerlateqqinneqassasoq

Suliassamik saqqummiussineq

Matumuuna Sanarfinermut Avatangiisinullu Ingerlatsiviup 2023-mi Pilersaarusiornermi perusissiaq saqqummiuppaa – *Sermersooq, najugaqarfigissallugu pitsaasoq.*

Pilersaarusiornermut inatsimmi § 34 naapertorlugu Kommunalbestyrelsip kommunimut qinigaaffiup siulliup naannginnerani (imaappoq kingusinnerpaamik 2023-mi apriliip qiteqqunnerani) Pilersaarusiornermut perusissamik tamanut saqqummiussaqaassaaq. Perusissiami allaaserineqassaaq, siunissami kommunimut pilersaarusiornermi suut qitiutinneqassanersut.

Pilersaarusiornermut perusissiami allaaserineqassapput, pilersaarusiornermut perusissiap kingullermik nutarterneqarneraniilli susoqarsimanersoq aammalu ukiuni sisamani tulliuuttuni Kommunalbestyrelsi sunik sammisaqarniarnersoq, taannalu periarfissat makku pillugit aalajangiiffiussalluni:

1. kommunimut pilersaarut tamarmi iluarsaanneqassasoq
2. kommunimut pilersaarummi sammisami ataatsimi amerlanerusuniluunniit iluarsaassisoqassasoq
3. kommunip nunataani sumiiffiit ilaannut iluarsaassisoqassasoq
4. kommunimut pilersaarut ukiuni sisamani atuuttussanngorlugu nutaamik akuerineqassasoq

Ingerlatsivimmit pilersaarusiornermut perusissiami uani innersuutigineqarpoq *kommunimut pilersaarummi sammisami ataatsimi amerlanerusuniluunniit iluarsaassisoqarnissaa akuersissutigeqqullugu.*

Kommunalbestyrelsip 2022-mi novembarip ulluisa 28-anni ataatsimiinnerani workshopertitsisoqarpoq, tassani pilersaarusiornermut perusissiaq ingerlatsivimmit saqqummiunneqarluni, ilaatigullu pilersaarusiornermut perusissiaq P23-imut suliniuteqarfissatut nutaatut isumassarsiortoqarlunilu siunnersuusiortoqarpoq. Taakku pilersaarusiornermut perusissiami matumani ilanngunneqarput.

Aagqiissutissatut siunnersuut – suliatigut naliliineq

Pilersaarusiornermut perusissiaq 2023 – *Sermersooq, najugaqarfigissallugu pitsaasoq* piujuartitsisumik ineriartortitsinermi pingasuusunik tunngaveqarpoq tassaasut,



aningsaasaqarnikkut, inooqatitaanikkut avatangiisitigullu piujuartitsineq. Kommunimut pilersaarutip iluarsateqqinnissaanut siunnersuutit taakku pingasuusut pingaarnertut naleqartitatut siunnersuutigineqarput.

Pingaarnertut naleqartitat ingerlatsinissami qitiutinneqartussat arfiniliusut makkuupput:

1. Tamanut inissiat pitsaasut
2. Meeqqanut inuusuttunullu inuuneq pitsaasoq
3. Sullivimmi inuunerissuuneq
4. Sunngiffimmi inuuneq pitsaasoq
5. Attaveqaatit pitsaasut
6. Ataatsimoornerit pitsaasut

Qitiutillugit suliaqarfissat ataasiakkaat tamarmik siunertani iliuutsinilu uuttorneqarsinnaasumik piviusunnngortinneqassapput. Taamaasilluni pilersaarusionermut periusissaq siunissami suliaasaqarfinni qitiutitani ataasiakkaani siuarsaanermi uuttortaanissamat tunngavissiissaaq.

Anguniakkani iliuuserisassat Naalagaaffiit Peqatigiit nunarsuarmi anguniagaanut tunngatitaapput, taamaasilluni Kommuneqarfik Sermersuumi qanoq piujuartitsinermik suliaqartarnerput minnerunngitsumillu siuariaataasunik angusaqartarsimanitta uuttorneqartarnissaanut takussutissiamik pilersitseqqittoqassaaq.

Pilersaarusionermut periusissaq nunarsuarmi anguniakkanut makkununga tunngatinneqarpoq:

- 3 Peqqissuseq atugarissaarnerlu
- 4 Ilinniartitaaneq pitsaassusilik
- 5 Suaassutsit akornanni naligiinneq
- 6 Imeq minguitsoq atortulersuutillu
- 8 Suliffiit pitsaasut aningsaasaqarnerlu inerikkiartortoq
- 10 Naligiinnginneq annikinnerusoq
- 11 Illoqarfiit inuiaqatigiillu piujuartitsiffiusut
- 16 Eqqissineq, naapertuilluarneq sullissivillu patajaatsut
- 17 Suleqatigiinnikkut anguniagaqarneq

Tunngaviusumik nalunaarusiaq suliarineqartareerpoq, tassani pilersaarusionermut periusissap qanoq suliarineqarnera allaaserineqarluni. Tunngaviusumik nalunaarusiattaq imarivaa immikkoortut inatsisinik tunngavillit, tassani ilaapput:

- kommunimut pilersaarutip nutarterneqarnerata kingulliup killiffia
- siunissami ineriartortitsinissamat apeqqutit pingaarnertit allaaserinerat
- periusissiami nutaami kingornagullu kommunimut pilersaarummi sammeneqartussat nutaat pillugit innersuussut

Ingerlatsiviup Pilersaarusionermut periusissiaq P32 atorlugu toqqarpaa ataatsimoortumik allaaserisaqarniarluni, ingerlatsivinni tamani ulluinnarni sulinerneq atugassatut tigussaasutut atorneqartussamik. Allatut oqaatigalugu allaaserisaq tassaassaaq, kommunip sumut ingerlaniarnerneq pilertortumik nassaasaqarfiusoq, taamaalillunilu siunissami immikkoortunut pilersaarusionermi tunngaviliisuususaalluni.

Kommunalbestyrelsip suleqatigiinnissamik isumaqatigiissutaani (*Kommuneqarfik Sermersooq - kommune illoqarfittut pingaarnersaq siuariartorfiusoq*) kommune suli assigiinngisitaarnermut inissaqartitsinera pingaartinneqassaaq, kikkulluunniit tikilluaqqusaasutut misigissapput



taamaasilluni ilaqutariit ilusilersugaanerat inuillu ukiui apeqqutaatinnagit tikilluaqqusaallutik. Kommuneqarfik Sermersooq najugaqarfittut tamanut pitsaasuusaaq.

Kommunimut pilersaarummi digitaaliusumi Sermersooq2032.www.kp.sermersooq.gl-imi Kommuneqarfik Sermersooq pitsaasumik pilersaarusiornermut sakkussaqqarpoq, kommunip pingaarnertut ineriartornissaanut ikorfartuutaasumik. Taamaattumik Sanarfinermut Avatangiisinullu Ingerlatsiviup ataatsimiititamat innersuussutigaa, qitiutitassat nutaat kommunimut pilersaarummi periusissiami ineriartortitsinissamat ilanngunneqassasut aammalu Nutarternissaanik aalajangernissami allaaserineqartutuut kommunimut pilersaarummi suliniutigineqartussat ilaasa nutarterneri kisimik suliarineqassasut.

Aallunniagassatut suliniutissatut nutaatut siunnersuutigineqartut immikkoortut killilersukkanut ataasiakkaatut pilersaarutiniit kommune tamakkerlugu periusissiornermi pilersaarusiornermut tunngasuupput. Suliassat amerlasuut ingerlatsiviit arlallit akornanni suleqatigiissutiginerisigut suliarineqassapput, allallu Sanarfinermut Avatangiisinullu Ingerlatsiviup iluinnaani suliarineqassallutik.

Ingerlariaqqinnissaq

Siunnersuut sapaatip-akunnerini qulini tamanut tusarniaassutigineqassaaq.

Matumani Pilersaarusiornermut periusissiaq 2023 *Sermersooq, najugaqarfigissallugu pitsaasoq* inaarutaasumik akuersissutigineqarpat Pilersaarusiornermut periusissiaq P18 atorunnaarsinneqassaaq.

Ilanngullugu siunnersuutigineqarpoq Pilersaarusiornermut periusissiaq una akuersissutigineqarpat *Piujuartitsilluni ineriartorneq pillugu Nunarsuarmut anguniakkat atorunnaarsinneqassasoq* periusissiap kommunimit piviusumik iliuuserineqartunut naapertuukkunnaarnera pillugu.

Ingerlatsivimmit aningaasatigut sulisoqarnikkullu naliliinerit

Pilersaarusiornermut periusissiamut siunnersuutip suliarineqarnera ingerlatsiviup pilersaarutaasa ataavartut ilagivaat aammalu ukiut marluk nalingisa missaani suliaalluni.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr 17, 17 november 2010-meersoq
- Inatsisartut inatsisaa nr 34, 9 december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Pilersaarusiornermut periusissamat siunnersuut 2023 – Sermersooq, najugaqarfigissallugu pitsaasoq
2. Tunngaviusumik nalunaarut

Punkt 6: Kommuneqarfik Sermersuumi eqqakkat pillugit malittarisassat nutartikkat tusarniaassutigineqarneri

Beslutning

Inassuteqaat akuersissutigineqarpoq.

Bilag

Inoqutigiinnut eqqakkanik pilersitsisartunut Eqqakkat pillugit malittarisassat 2023-mi atuuttussat

Inuussutissarsiortunut aamma suliffeqarfinnut Eqqakkat pillugit malittarisassat 2023-mi atuuttussat



Kommuneqarfik Sermersuumi eqqakkat pillugit malittarisassat nutartikkat tusarniaassutigineqarneri

Aalajangiiffigisassaq

SagsID.: EMN-2022-09202

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Inoqutigiinnut eqqakkanik pilersitsisartunut Eqqakkat pillugit malittarisassat 2023-mut atuuttussat (ilanngussaq 1) tamanut tusarniaassutigineqarnissai siunertaralugu akuersissutigineqassasut
- inuussutissarsiortunut aamma suliffeqarfinnut Eqqakkat pillugit malittarisassat 2023-mi atuuttussat (ilanngussaq 2) tamanut tusarniaassutigineqarnissai siunertaralugu akuersissutigineqassasut
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut ingerlateqqinneqassasoq

Suliassamik saqqummiussineq

Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersumi Kapitali 8 § 18 innersuussutigalugu Nunatsinni kommunalbestyrelsit malittarisassamik ataatsimik arlalinnilluunniit kommunimi atuisinnaatitaasunit eqqakkanik pilersitsisarnermut eqqakkanik katersuinissamat innersuussisarnissamullu aaqqiissutinik allaaserisanik imalinnik suliaqarnissamat pisussaaffeqarput.

Innuttaasut inuussutissarsiortulluunniit eqqarsaatigalugit annertuunik allannguisoqanngilaq. Aalajangersakkat ilaat peerneqarnikuupput suliassaqarfimmi inatsimmi maanna allaqqagamik. Aaqqissuunneqarneratigut nutarterineq matumani taamaallaat pineqarpoq. Malittarisassat nutarterneqartut eqqakkat pillugit nalunaarutip malitsigisaanik allaffissornikkut nutartigaapput, matumani Inatsisartut aamma Naalackersuisut pillugit Inatsisartut inatsisaanni § 31, imm. 2-mi kommunimi aalajangerneqartut ilaatigut eqqakkat pillugit malittarisassat aalajangersimasumik aaqqissugaallutik suliarineqarnissaannut allaqqasoq naapertorlugu Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq kiisalu inatsimmi kommunip aalajangernerinut nalunaarut pillugu Naalackersuisuniit malittarisassat nutaat malinneqarlutik.

Malittarisassat paragrafinngorlugit nalunaarutigineqassammata atuutsinneqarlutillu suliarineqarnissaat Naalackersuisunit kommuninut suliakkiutigineqarnikuuvoq. Malittarisassat 2023-mut atuuttussat suliarineqarnerini siunnersuutitut suliarineqartoq Namminersorlutik Oqartussani inatsisinut allaffeqarfimmut misissugassanngortinneqarnikuuvoq, ilaatigut malittarisassatut suliarineqartut inatsisit malillugit suliarineqarsimaneri qulakkeerniarlugit. Malittarisassat ullutsinnut malinnaasussatut nutartigaapput aamma eqqakkat pillugit nalunaarut nutaaq naapertorlugu suliarineqarnissaat pillugu.

Kommuneqarfik Sermersuumi eqqakkat pillugit malittarisassat ataatsimoortumik ingerlanneqarnikuupput, Naalackersuisuniillu peqqusinerup kingorna marlunnut avinneqarlutik, tassa inoqutigiinnut eqqakkanik pilersitsisartunut aamma inuussutissarsiortunut suliffeqarfinnullu eqqakkat pillugit malittarisassat.



Kommuneqarfik Sermersuumi eqqakkat pillugit malittarisassat malillugit eqqakkanik passussisarneq aallaaviatigut eqqakkat pillugit tullerriaarineq naapertorlugu isumagineqartassapput:

1. Eqqagassanik pinaveersaartitsineq
2. Atoqqiinissaq siunertaralugu piareersarneq
3. Atoqqiineq
4. Allatigut iluaqutigineqarsinnaasunngortitsineq
5. Igitsiartortarneq

Eqqakkat pillugit nalunaarummut nutaamut atatillugu atoqqiinerusarnissaq immikkoortiterinerusarnissarlu pillugit piumasaqaatitaqartoqarpoq, tamatumalu kingunerisaanik eqqakkat immikkoortitassat amerlanerusut allaaserineqassallutik. Eqqakkat annikinnerpaaffianniitinneqarnissaat siunertaavoq, tamannalu kissaatigineqarpoq. Taamaattumik ingerlatsivimmiit ataavartumik pitsanngorsaaniissat aamma eqqakkat pillugit iliuusissatut pilersaarutit nutaat suliarineqarnissaat qimerluuualarneqarlutik.

Ingerlatsivimmit aningaasatigut sulisoqarnikkullu naliliinerit

Sunniuteqassanngilaq.

Suliffeqarfimmut Kiffartuussivimmit aningaasatigut naliliineq

Sunniuteqassanngilaq.

Inatsisitigut tunngavissaq allakkallu tunngaviusumik uppernarsaatillit

- Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq

Ilanngussat

1. Inoqutigiinnut eqqakkanik pilersitsisartunut Eqqakkat pillugit malittarisassat 2023-mi atuuttussat
2. Inuussutissarsiortunut aamma suliffeqarfimmut Eqqakkat pillugit malittarisassat 2023-mi atuuttussat

Punkt 7: Kommunimut pilersaarummut tapiliussassatut siunnersuut 1C26-2 Hotel Tuapannguit, Nuuk, pillugu tamanut tusarniaaneq

Beslutning

Inassuteqaat akuersissutigineqarpoq.

Bilag

Kommunip pilersaarutaanut tapiliussamut siunnersuut 1C26-2, Hotel Tuapannguit, Nuuk

Kommunimut pilersaarummut tapiliussassatut siunnersuut 1C26-2 Hotel Tuapannguit, Nuuk, pillugu tamanut tusarniaaneq

Aalajangiiffigisassaq

SagsID.: EMN-2023-01130

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 1C26-2 Hotel Tuapannguit, Nuuk, akuerineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup kommunimut pilersaarummut tapiliussatut siunnersuut 1C26-2 Hotel Tuapannguit, Nuuk, matumuuna saqqummiuppa.

Aallaqqaasiullugu ingerlatsiviup erseqqissaatigissavaa immikkoortumut kommunimut pilersaarummut ilassut atuuttoq 2018-imeersuusoq, *Nuuk nutaamik pingaarnertut aaqqissuunneqarnerata* ilaatut. Immikkuualuttoq taamaallaat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannanngitsumilluunniit 100 procentimik pigineqartunut ineriartortitsinermit piginneqatigiiffiusunit atorneqarsinnaavoq pisortatigut siunertanut atugassatut siunertanulluunniit namminersortunut. Erseqqissarneqarpoq tamanna siunertaajunaartoq taamaattumik aalajangersakkat nutaat maanna siunnersuutitut saqqummiunneqartut.

Matumani siunnersuummi immikkoortup siunertanut C-nut atorneqarnissaa aalajangersarneqarpoq, takornariaqarnerup iluani unnuiffissatut periarfissat inuussutissarsiornermut tunngasut siunertaralugit. Tassunga atatillugu atuuffiit allat soorlu neriniartarfiit, ataatsimeersuartarfiit ilaalu ilanngullugit sananeqarsinnaapput taakku unnuap qeqqata kingorna eqqaani najugaqartunut nipiliornermik akornusersuissanngippata.

Immikkoortup ilaa illoqarfimmut qanittumi inissiaqarfiit akornanni inissisimavoq, taakkulu suli pilerinartuussapput.

Immikkoortup sanaartorfigineqarnissaanut piumasaqaatit sukannernerusut ingerlatsiviup oqaaseqatigiinngortippai, taamaalilluni Tuapannguanit avataanut immamullu isikkivik qulakkeerneqassammat. Illoqarfiup illuliorfigineqarnerunera ilutigalugu, immamut, qaqqamut avataanullu isikkivik pingaaruteqaleraluttuinnarpoq. Taamaattumik piumasaqaat tamanna kommunimut pilersaarummut ilassummut allanneqarpoq sumiiffiup nutaamik atorneqarnissaanut piumasaqaatitut. Akerlianik sumiiffiup ilaani arfineq marlunnik quleriilimmik sanasoqarnissaanut periarfissiisoqassaaq.

Kommunimut pilersaarummut tapiliussami aalajangersarneqarpoq, sissaq sinerlugu aqqutip allanngortinnissaa ajornarunnaartilugulu, tamanna suliniutissanut iluaqutaassappat. Taamaattoq pingaaruteqarpoq sissaq sinerlugu aqqut ajornerulissanngitsoq aamma pingaaruteqarpoq



taassuminnga atuisut takulluarsinnaassagaat sukkuq qanorlu ingerlavimmit ingerlavimmut apuuttoqassanersoq. Sanaartukkamut ilanngullugu attaviup ilanngunneqarnissaa ajornanngilaq.

Ingerlariaqqinnissaq

Siunnersuut tamanut tusarniaassutigineqassaaq sapaatip akunnerini arfinilinni.

Matumani Kommunimut pilersaarummut tapiliussassatut siunnersuutip 1C26-2 akuersissutigineqarneratigut kommunimut pilersaarummut tapiliussaq 1C26-1 atorunnaarsinneqassaaq.

Kommunimut pilersaarummut tapiliussaq akuerineqareerpat nunaminertaq qinnuteqarfigineqarsinnaasunngorlugu nalunaarutigineqassaaq.

Tassunga atatillugu ingerlatsiviup erseqqissaatigaa, nunaminertami pilersaarutitut qinnuteqaatinik arlalinnik tigusaqartoqartoq taamaattumik nunaminertaq assut soqutigineqassasoq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunip pilersaarutaanut tapiliussamut siunnersuut 1C26-2, Hotel Tuapannguit, Nuuk

Punkt 8: Nuummi akunnittarfiit inissisimaffii

Beslutning

Inassuteqaat akuersissutigineqarpoq.

Bilag

Akunnittarfiit inissisimaffissaattut siunnersuut

Nuummi akunnittarfiit inissisimaffii

Inissiivissanik siunnersuuteqarneq periusissiarlu

Aalajangiiffigisassaq

SagsID.: EMN-2022-09179

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- periusissatut siunnersuut aamma inissisimaffissatut siunnersuutit akuersissutigineqassasut
- suliaq innuttaasunik akuutitsinissaq siunertaralugu Aningaasaqarnermut Inuusutissarsiornermullu Ataatsimiititami aalajangiiffigisassanngorlugu kiisalu Kommunalbestyrelsimut ilisimatitsissutissatut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit Nuummi akunnittarfiit inissisimaffissaat pillugit siunnersuut matumuuna saqqummiunneqarpoq. Ingerlatsivimmit siunnersuutigineqarpoq, inissisimaffinnut arlalinnut periusissat assigiinngitsuussasut, tamannalu pilersaarummi pissutsinik pioreersunik ilaalu ilanngullugit tunngaveqarpoq.

Akunnittarfinnut inissisimaffissatut siunnersuutigineqartut soqutigisaqaqatigiit assigiinngitsut siunnersuuteqarnerisigut kiisalu alutornassuseqartutut naleqarneri aamma isertunut misigisaqartitsinnaaneri minnerunngitsumillu illoqarfimmut ataqatigiissarneqarnissaa tunngavigalugit saqqummiunneqarsimapput. Ingerlatsivimmit erseqqissaatigineqarpoq, takornarialerinemik ineriartortitsineq illoqarfiup innuttaasullu ineriartortinneqarnerat naapertorlugu pissasoq. Taamaattumik inissisimaffissatut siunnersuutigineqartut tamarmik immikkut piukkunnaateqarput.

Oqaluttuassartaa

Ingerlatsivik akunnittarfiit inissisimaffissaannut tunngasumik politikikkut suliarineqarnissaannut atatillugu innuttaasunik akuutitsinissamik decembarimi siunnersuuteqarpoq. Tamatuma kingunerisaanik paasinarsivoq, Sulisitsisuni brancheni ataatsimiititaliap suliamut akuutinneqanngitsooqinagami erumasooq. Tamatuma kingunerisaanik brancheni ataatsimiititaliaq ingerlatsivimmiit ataatsimeeqatigineqarpoq, tunngaviatigut kissaatigineqarmat illoqarfimmi akunnittarfinnik amerlanerusunik pilersitsinissamik periarfissaqarnissaq. Suliamut tunngasoq tusagassiutitigut sammineqarnerani najukkami nunaniillu tamalaaneersunit soqutigisaqaqatigiinnit Nuummi akunnittarfiliornissamik kissaateqarlutik oqariartuuteqartunit ingerlatsivik attavigineqartalersimavoq.

Tamanna tunngavigalugu akunnittarfinnut inissisimaffissat periusissiarlu iluarsissuteqarfiginerinut ingerlatsiviup tungaaniit siunnersuusiortoqarpoq, tamannalu uani allaaserineqarpoq:

Siullermik inissisimaffissat arfinillit siunnersuutigineqarsimapput, taakkunannga sisamat Nuummiipput, ataaseq mittarfiup eqqaani aamma ataaseq Qinngutsinni. Siusissukkut akuutitsineq, tamakkiisumik naliliinerit aamma takornariaqartitsinermut piukkunnassuseqarnerat tunngavigalugit inissisimaffiit toqqarneqarsimapput. Ataatsimiititami suliarineqarneranut atatillugu inissisimaffinnik ataasiakkaanik toqqaanissaq toqqaannginnissarluunniit periarfissaavoq.

Tamarmik immikkut piukkunnaateqartut nalilerneqarpoq, kisianni ingerlatsiviup ilisimaaraa inissisimaffiit tamakkerlutik neqerooruteqarfigineqarnissaat nalorninartortaqaqtoq.

Inissisimaffiit 1, 2, 3 aamma 6 innuttaasut akuutinniarlugit saqqummiunneqarput, innuttaasut soqutigisaqaqatigiillu allatut inissisimaffissamulluunniit tunngasunik siunnersuosiornissamut periarfissaqartillugit. Siunnersuutit immikkoortuni pineqartuni pilersaarutinut allanut ingerlatsiviup tungaaniit sanilliunneqassapput, tamatumalu kingorna politikikkut aalajangiiffisassanngortinneqassallutik. Immikkoortuni pilersaarusiornissamik qinnuteqarnissamut periarfissiisoqassaaq imaluunniit pilersaarummut tapiliussaliortoqarsinnaalluni siunissami sanaartorsinnaanissamik periarfissiisussamik. Siunnersuutip inernissaanut tunngatillugu akuutitsineq qanoq kinguneqassanersoq apeqqutaassaaq.

Inissisimaffik 4 Tuapannguit isuatungaaniittoq immikkut saqqummiussaliaralugu politikikkut suliassanngortinneqassaaq, siunnersuutigineqarluni sumiiffik septembarip qiteqqunnerani atorneqarsinnaanngornera nalunaarutigineqassasoq, tassa politikikkut aalajangiineq apeqqutaalluni.

Inissisimaffik 5 pillugu siunnersuutigineqarpoq, mittarfimmi akuersissummik pigisaqartoq suleqatigalugu immikkut kommunimut pilersaarummut tapiliussaliortoqassasoq tamatumalu kingorna nunaminertaq nalunaarutigineqarluni. 2024-p aallartinnerani pisinnaassasoq naatsorsuutigineqarpoq.

Innuttaasunik akuutitsineq

Innuttaasut, soqutigisaqaqatigiit inuussutissarsiortullu illoqarfiup ineriartortinneqarneranut peqataanissaat pingaaruteqarpoq, aamma kommunimi pilersaarusiornermi najukkami pissutsit qanoq ittuunersut pillugit ilisimasaqarnissaaq pingaaruteqarluni. Taamaattumik ingerlatsiviup, siunissami allaffissornikkut sulinermini inissisimaffissat avammut saqqummiunneqarnerinut atatillugu akuutitsinermi siunnersuutit tiguneqartut ilanngullugit suliarissavai. Ingerlatsivik ataatsimiititamat ilisimatitsillattaassaaq.

Ingerlatsivimmit aningaasatigut sulisoqarnikkullu naliliinerit

Qulaani pineqartunik suliqaarnermi sulisoqarnikkut qanoq sunniuteqarumaarnerannut suliniutit qassit nalilersorneqassanersut apeqqutaassapput.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq

Ilanngussat

1. Akunnittarfiit inissisimaffissaattut siunnersuut

Punkt 9: Kommunimut pilersaarummut tapiliusseq 2B1-2 Industrivej, Nuuk

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliusseq 2B1-2 Industrivej, Nuuk



Kommunimut pilersaarummut tapiliussaq 2B1-2 Industrivej, Nuuk

Kommunimut pilersaarummut tapiliussap inaarutaasumik akuersissutiginninneq

Aalajangiiffigisassaq

SagsID.: EMN-2022-08751

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussaq 2B1-2 Industrivej, Nuuk akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut akuerisassanngorlugu ingerlateqqinneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussaq 2B1-2 Industrivej, Nuuk, matumuuna saqqummiunneqarpoq. Kommunimut pilersaarummut tapiliussaq 2B1-2 Industrivej, Nuuk siunnersuutitut piffissami 8. februaari – 22. marsi 2023 tamanut tusarniaassutigineqarpoq. Piffissami tassani tusarniaassummut akissuteqanngilaq, taamaattumillu allannguuteqartoqanngilaq.

Immikkoortup ilaa 2B1 7,6 ha. miss. kangerliumanermiippoq, nunniugaq kimmuk quassugaq, (2C2 Issortarfik), avannamut sanaartorfiunngitsaq aamma kangimut (2D3 Nuussuup Manngua) kiisalu illoqarfiup ilaanut Nuussuaq killigalugit. Immikkoortup ilaa atuuffinnik assigiinngitsunik peqarpoq, ilaatigut inuussutissarsiuteqartunut sullissisuullutillu innuttaasunik aamma sullitaqartunik.

Immikkoortoq inuussutissarsiutinut siunertanut tassa peqqumaasiveqarfittut, sannaveqarfittut, biilearniarfittut, angallassinermut aammalu siammarterinermut, suliffeqarfinnut ataasiakkaanut, allaffeqarfinnut aamma aalajangersimasunik nioqquteqarnermut atorneqartussatut aalajangersagaavoq.

Kommunimut pilersaarut innersuussutigalugu tapiliussaq una immikkoortup ilaanut pilersaarummik nutarterineruvoq, inuussutissarsiuteqarfittullu atuuffinik attassinissamut kiisalu piffissamut naleqquttumik ineriartortitsinissap qulakkeerneqarnissaa siunertaavoq.

Kommunimut pilersaarut 2032 naapertorlugu inuussutissarsiuteqarfinnik pisariaqartitsineq matussuserneqassaaq qorsooqqissut ajornerulersinnagit. Tamatuma imaraa attaviit pioreersut tikinneqarsinnaaneri ersarissuunerilu atuutiinnassasut.

Pilersaarummi siunertat tunngaviillu:

- Nunaminertat arlallit akornanni sanaartorfissat ataatsimoortinneqarnissaat periarfissiissutigineqassasut
- Sanaartorfissanik atugassiinissaq, sisamanik quleriilinnik sanaartornissamut periarfissaqarfiusunik
- Angallannikkut isumannaatsuunissap qulakkeernissaa aamma pisuinnaat assigisaallu immikkoortukkoorsinnaanerisa pitsaanerulernissaa, tassungalu ilanngullugu Nuussuup Mannguani aqqusineeqqat pitsaanerulersinneqassapput
- Nakkutilliisunut illut immikkoortumi pilersinneqarnissaanut periarfissaq atorunnaarsinneqassasoq



Kommunimut pilersaarummut tapiliussap nutarternerani immikkoortoq eqeersimaartumik ingerlanneqarnerulissaaq illoqarfimmilu pisariaqartitsineq tunngavigalugu ineriartortitsisoqarnissaa qulakkeerneqarluni.

Maanna atuuppoq kommunimut pilersaarummut tapiliussaq 2B1-2 kommunimut pilersaarut 2B1-1 atorunnaarsinneqarpoq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatitalit

- Pilersaarusionerit aamma nunaminertat atornerartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-meersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussaq 2B1-2 Industrivej, Nuuk

Punkt 10: Pilersaarutitut siunnersuut Nuna Immikkoortoq Nutaaq inaarutaasumik akuersissutigineqarnera

Beslutning

Inassuteqaat amerlanerussuteqartunit (IA, N aamma S) akuersissutigineqarpoq. Inassuteqaat ikinnerussuteqartunit (D) itigartissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Allatut pilersaarut, Avataq ApS-imut Pilersaarutitut qinnuteqaat

Naliliinissamut immersuiffissaq, Avataq ApS

Pilersaarutitut qinnuteqaat Nuna nutaamik pilersaarusiortiffissaq

Pilersaarummik piginnittup allagartai, Nunataaq

Naliliinissamut immersuiffissaq, Nunataaq

Pilersaarutitut qinnuteqaatinik ingerlatsineq

Pilersaarutitut qinnuteqaatit misissuiviat

Inatsisartut inatsisaat nr. 34, 9. december 2015-imeersoq

Siornatigut pilersaarummik qinnuteqaammut, Avataq ApS, itigartinneqarsimasumut suliassamik saqqummiussineq

Umiarsualivimmik ineriartortitsineq



Pilersaarutitut siunnersuut Nuna Immikkoortoq Nutaaq inaarutaasumik akuersissutigineqarnera

Suliap pilersaarusiorneqarnissaanut qinnuteqaatip inaarutaasumik akuersissutigineqarnera

Aalajangiiffigisassaq

SagsID: EMN-2022-06079

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- pilersaarutitut qinnuteqaat Nuna pilersaarusiorkiisooq akuersissutigineqassasoq
- suliap Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissanngorlugu ingerlateqqinneqassasoq

Suliassamik saqqummiussineq

Matumuuna Sanarfinermut Avatangiisinullu Ingerlatsivik, pilersaarummik piginnittoq Grønlands Maritime Center aamma Jens Salling sinnerlugit, Nuna nutaamik pilersaarusiorkiineqartoq pillugu saqqummiussivoq.

Pilersaarummik piginnittut immikkoortup ilaata 2B5 nunniorneqarnissaa kissaatigivaat tassanilu:

- nunaminertani imarsiornermik ilinniarfiit isumannaallisaanermut pikkorissaanermut illuliortoqassaaq
- annanniutinut atortunut ikaartarfik
- nunaminertanilu illut aalisakkeriviup sullissineranut aamma sakkunut atortussanullu inissiivissatut atorneqartussat

Nuna Immikkoortoq Nutaaq tamanut tusarniaassutigisassanngorlugu sapaatit akunnerini arfineq-pingasuni piffissami 07.12.2022-01.02.2023-p tungaanut saqqummiunneqarpoq. Tusarniaanerp inglerlanerani innuttaasunik paasissutissiineq Katuami ulloq 24.01.2023 inglerlanneqarpoq, innuttaasut 10-t missaat takkupput. Piffissami tusarniaaffiusumi tusarniaanermut akissuteqaatit sisamat pissarsiarineqarput, taakkulu ilaat ataaseq allannguuteqartitsinermik kinguneqarpoq, aammalu ataaseq allatut pilersaarummik nassiussaqarluni. Allatut pilersaarummik nassiussisuuvoq Avataq ApS (pilersinneqalersooq), siusinnerusukkut pilersaarutitut qinnuteqaammik 2021-mi nassiussinikuusooq. Allatut pilersaarutitut siunnersuut ataani allaaserineqarpoq.

OBS

Ilanngullugu Ingerlatsivimmit erseqqissaatigineqarpoq, immikkoortup ilaa 2B5, sumiiffik pilersaarusiorkiineqareermat aamma kommunimut pilersaarummut tapiliussami pioreersumi sukumiisumik aalajangersagaqareermat, taamaalillunilu qinnuteqaat pilersaarusiornermut inatsimmi killiliussat iluaniinnani. Kommunimut pilersaarummut tapiliussaq atuuttoq 2018-imi immikkoortinneqarpoq *Nuuk Nutaamik Pingaarnertut Aaqqissuunneqarnerata* ilaatut. Immikkoortoq ullumikkut inuussutissarsiornermi, nioqqutissiornermi halitut ittunut siunertalinnut atugassanngortitaavoq. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannanngitsumilluunniit 100 procentimik pigineqartunut ineriartortitsinermut peqatigiiffiusunik atorneqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

Ingerlatsivimmit innersuussutigineqarpoq, kommunimut pilersaarummi tapiliussami immikkuualuttoq 2B5-imut atuutsinneqartup atorunnaarsinnissaa, umiarsualiveqarnermut attuumassutilimmik inuussutissarsiut inglerlatsivimmit tapersorsorneqarusummat.

Pilersaarummut nunaminertamik inniminniinissamut umiarsualiveqarnermi oqartussaasunit akuerineqaqqaarnissaa piumasaqaataavoq aamma soqutigisaqatigiinnit pilersaarut akissaqartinneqarnissaanik qularnaveeqquserneqarsimassaaq. Tamatuma saniatigut sumiiffimmi erngup pitsaassusia misissuiffigineqassaaq tusarniaanermi akissuteqaat pissarsiarineqartoq tunngavigalugu.

Umiarsualivimmik ineriartortitsineq

Aallaqqaasiullugu ingerlatsiviup erseqqissaatigissavaa ukiuni kingullerni Nuummi umiarsualiviup ineriartortinneqarnissaannut assigiinngitsorpassuarnik pilersaaruteqartoqartarsimasoq. Ineriartortitsineq taanna pillugu ilanngussaaq 12-imi takussutissiaq ilanngunneqarpoq.

Pilersaarutitut siunnersuut Nuna Immikkoortoq Nutaag

Pilersaarutitut siunnersuut Nuna nutaamik pilersaarutorfik 2,6 hektaritut annertussuseqarpoq. Taakkunannga 2,1 ha-ip missaaniittoq nunaareerpoq nunniugarlu 0,5 ha-fuluni.

Imarsiornermik Ilinniarfimmit kissaatigineqarpoq, imarsiortunut Nuummi neqeroorutigineqassasoq:

- imarsiortunik pikkorissaanernik aamma sillimaniarnermik ilinniartitsisarnissamik Neqeroorut taama ittoq maanna Paamiuniinnaq nassaassaavoq, tassani atortorisarutit pisoqalisimapput kiisalu Danmarkimi

Jens Salling kissaateqarpoq:

- nunaminertanik aamma aalisakkeriviup illutasaanik pilersitsinissamik
- atortunut sakkunullu inissiivissamik iluarsartuussivissamillu atugassamik

Matumani assartuinermit piffissamik annikillisaanissaq, atortunik nungullarsaataanginnerusoq, pigisanik torersuutitsinissaq mingutsitsinnginneruneq aamma illoqarfimmi nunaminertat siunertanut allanut atorineqarsinnaaniassammata.

Pilersaarutitut siunnersuummi siunnersuutigineqarportaaq:

- puttasuliinissaq aamma imaani annaassiniutinut atortuinullu inaalitsivissamik ungalusalimmik immikkoortuliornissaq, tamatuma atorinissaa Nuummi Qatserisartunut, Politiinut aamma Mittarfeqarfiit/ Kalaallit Airports atuinissamik neqeroorfigineqassallutik

Pilersaarummulli atortuni pivusorsiorutumik suleqatigiinneq saqqummiunneqanngilaq pilersaarummilu tassunga tunngasortaa takorluugaannaavoq.

Ingerlatsiviup nalilerpaa, pilersaarut immikkoortup ilaata pingaarnertut anguniagaanut tulluurtuusoq aamma kommunimut pilersaarummi inuussutissarsiuqartut atanerannut pitsaanerulersitsinissaq. Pilersaarummili pilersaarutissatut siunnersuutip avannaatungaani immikkoortumik atuisinnaatitaanermik pisariaqartitsisoqarpoq, angallatinut mikinernut pituttortarfiit aalajangersimasut allanut nuuttariaqarmata.

Avatangiiseq illuliortaaserlu

Pilersaarutitut siunnersuummi sanaartorfissanik pingasunik atugassiisoqarpoq, ataaseq imarsiornermik annaassiniarnermillu ilinniakkanut marlullu illuliassanut aalisakkeriviup sullissineranut atortuusivissatut taakkulu allaffeqarfissaannut atugassat. Naatsorsuutigineqarpoq sanaartorfissat sisamaat, netstationeqarfissaq annertunngitsoq, pisariaqartinneqalerumaartoq. Tamanna Nukissiorfiit suleqatigalugit aalajangiiffigineqartussaavoq.

Illut iluseqartinneqarnerat inuussutissarsiuutinut atorineqaqqajuttut aamma quersuarnut sanaarineqartartut malillugit pissapput. Immikkoortumi tassani avatangiiserineqartut, illut assingusut tamaaniittut, malillugit tulluussarneqassapput.

Avatangiiseq piujuartitsinerlu

Pilersaarutitut siunnersuummi nukissiutit nutaaliat atorneqarnissaat ilaanngilaq pilersaarummilu silap pissusianut akornutaanngitsunik atortoqarnissaq aamma takuneqarsinnaani. Pilersaarummi atortussat annerusumik ujaraapput ujaraaraallutillu qaartiternerlukuneersut, sequtsernikut imaluunniit Nuup eqqaani imaanit pisut.

Allamik pilersaarutitut siunnersuut Avataq ApS

Qinnuteqartoq suliffeqarfiuvoq pilersinneqarluni aallartisartoq, taamaattorli KM-L ApS-imi misillitagaqartoq. Qinnuteqartoq immikkoortup ilaani 2B2 / 2B5-imi – Qeqertani avannaatungaani, assigiinngitsunik pilersitserusuppoq, taakku tamarmik siunertanut assigiinngitsunut atorneqassallutik 13,15 ha-tut annertutigisumut agguataagaassallutik. Pilersaarutissatut siunnersuummi pingaarnertut siunertat arfiniliupput, taakku tamarmik attuumassuteqartunik assigiinngitsunik atortulersugaassapput. Pingaarnertut siunertaq:

- Umiatsialivik puttasullu
- Atoqqitassaasivik
- Atortussanik betonimik kuitsiviliorfik
- Biiliniq inissiisarfik isumannaallisagaq
- Inissiigallartarneq

Qinnuteqartup oqaatigaa assersuutigalugu Kofoed Skole-mik suleqateqarnissamik kissaateqarluni, tamannali siunniussaagallaavoq, sulimi siunniussamik nalunaaruteqartoqaraniluunniit suleqatigiinnissamik isumaqatigiissuteqartoqarnikuunngilaq. Qinnuteqartup aamma kommunimik suleqateqarnissap saniatigut sumiiffimmi atorluaaneq qanoq pissanersoq pillugu naatsorsuuteqarnermik nassuiaataa tamakkiisuunngilaq. Immikkoortup ilaanut 2B2 Nuummi Containereqarfik talittarfimmut tunngatillugu immikkoortup ilaaniittunut malittarisassaqaqareerpoq immikkuualuttunik, matumani immikkoortup ilaa D, tamaani sanaartorfissanik immikkoortitsisoqareerluni. Pilersaarutitut qinnuteqaammi immikkoortup ilaani D-mi biiliniq inissiisarfimmi pilersitsisoqarnissaa siunnersuutigineqarpoq aammalu angallateeqqanun talittarfimmut atatillugu iluarsaassisarfiliortoqarnissaa. Qinnuteqaat suliareqqitassanngorlugu akuersissutigineqarpat, pilersaarutip ilaa taanna nutarterneqassaaq.

Inerniliineq

Ingerlatsiviup innersuussutigaa kommunimut pilersaarummut tapiliussaq 2B5-1 atorunnaarsinneqassasoq, allatut pilersaarut ”Avataq ApS-imut pilersaarutitut siunnersuut” itigartitsissutigineqassasoq aammalu pilersaarutitut siunnersuut ”Nuna Immikkoortoq Nutaaq” inaarutaasumik akuersissutigineqassasoq.

Ingerlatsivimmit aningaasatigut sulisoqarnikkullu naliliinerit

Ingerlatsivimmit erseqqissaatigineqarpoq, pilersaarummik piginnittup kommunimut pilersaarummut tapiliussap suliarinissaanut aammalu ilaatigut VVM-imik misissuineq kiisalu atortunut, sanaartorfissagissaanermut sanaartormermilu aningaasartuutissat tamaasa nammineq akilissagai.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- o Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- o Inatsisartut inatsisissaat nr. 34, 9. december 2015-meersoq
- o Kommunimut pilersaarut digitaliusoq www.kp.sermersooq.gl
- o Umiarsualiviit pillugit Inatsisartut inatsisissaat nr. 9, 3. juni 2015-meersoq



Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Allatut pilersaarut, Avataq ApS-imut Pilersaarutitut qinnuteqaat
4. Naliliinissamut immersuiffissaq, Avataq ApS
5. Pilersaarutitut qinnuteqaat Nuna nutaamik pilersaarusiortiffissaq
6. Pilersaarummik piginnittup allagartai, Nunataaq
7. Naliliinissamut immersuiffissaq, Nunataaq
8. Pilersaarutitut qinnuteqaatinik ingerlatsineq
9. Pilersaarutitut qinnuteqaatit misissuiviat
10. Inatsisartut inatsisaat nr. 34, 9. december 2015-imeersoq
11. Siornatigut pilersaarummik qinnuteqaammut, Avataq ApS, itigartinneqarsimasumut suliasamik saqqummiussineq
12. Umiarsualivimmik ineriartortitsineq

Illoqarfimmi immikkoortup sumiiffianut kommunimut pilersaarummut linki:

<https://kp.sermersooq.gl/da/aalajangersakkt-aamma-malittarisassat/illoqarfik-nunaqarfik-aamma-illoqarfimmut-pilersaarutit/nuuk/2b5-da/>

Punkt 11: Nuup illoqarfiani sumiiffik aqquserngillu taaguusersorneqartussat

Beslutning

Inassuteqaat akuersissutigineqarpoq.

Bilag

Qeqertanut Ikaartarfillu

Hestit inaata tungaanut aqqut

Nuup illoqarfiani sumiiffik aqquserngillu taaguusersorneqartussat

Aalajangiiffigisassaq

SagsID.: EMN-2023-01233

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Qinnngutsinni hestit inaata tungaanut aqquserngup aqqa Qallussuaq-p eqqaaniittoq ima ateqalissasoq "Qallusuup Ataa" akuersissutigineqassasoq
- Iggiaa Avannarleq, Nuussuup eqqaani ikaartarfiup aqquserngata aqqa "Qeqertanut" akuersissutigineqassasoq
- Qeqertat tungaannut ikaartarfiup atserneqarnissaanut tunngatillugu Sumiiffiit Aqquserngillu Taaguutaannik Siunnersuisoqatigiit innuttaasunik peqataatitsinermik suliniuteqarnissaat akuersissutigineqassasoq
- suliaq Aningaasaqarnermut Inuusutissarsionermullu Ataatsimiititamut Kommunalbestyrelsimullu aalajangiiffigisassanngorlugu ingerlateqqinneqassasoq

Suliassamik saqqummiussineq

Sumiiffiit Aqquserngillu Taaguutaannik Siunnersuisoqatigiit 2022-mi maajip ulluisa 18-ianni aqquserngit marluk aqqi oqaluuseraat. Innuttaasut apeqquteqarnerannit siunnersuutaannillu aqqit pissarsiarineqarput.

Sumiiffiit Aqquserngillu Taaguutaannik Siunnersuisoqatigiit siunnersuut oqaluuseraat imalu oqaasertalerlugu inassuteqaateqarput:

Immikkoortoq hiistit inaannik "Viska horses" sanaartorfiusimasoq tatsip Qallussuup eqqannguniippoq, tassa qaqqaq naqqani tatsip kujataaniippoq. Sumiiffiit Aqquserngillu Taaguutaannik Siunnersuisoqatigiit immikkoortup sumiiffiup aqqanut atasinnaasumik aqquserngup atserneqarnissaa inassuteqaatigaat.

Iggiaa Avannarliup eqqaani ikaartarfiliormermut atatillugu aqqusineq "Qeqertanut" ilaqqinneqarpoq, tassa Nuussuarmi sullorsuarmiit umiarsualiveqarfiup Sikuki Harbourip tungaanut.

Sumiiffiit Aqquserngillu Taaguutaannik Siunnersuisoqatigiit pissutsit oqaluuseraat, imalu oqaasertalerlugu inassuteqaateqarput: Sumiiffiit Aqquserngillu Taaguutaannik Siunnersuisoqatigiit aqqusineq nutaaq aqqusinermut pioreersumut ilassutitut isigaat. Tamanna tunngavigalugu aqqusinertaaq aqqusinertut pioreersutut "Qeqertanut" atserneqarnissaa siunnersuutigineqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

Ilanngussat

1. Qeqertanut Ikaartarfillu
2. Hestit inaata tungaanut aqqut

Punkt 12: Sumiiffiit Aqquserngillu Taaguutaannik Siunnersuisoqatigiinnut ilaasortanik qinersineq

Beslutning

Inassuteqaat imatut oqaaseqaatitalerlugu akuersissutigineqarpoq: Ataatsimiititaq tulliani Tunumit Paamiunillu ilaasortanik peqataatitaqarnissamik kaammattuivoq.

Bilag

Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

Sumiiffiit Aqquserngillu Taaguutaannik Siunnersuisoqatigiinnut ilaasortanik qinersineq

Aalajangiiffigisassaq

SagsID.: EMN-2023-01577

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Sumiiffiit Aqquserngillu Taaguutaannik Siunnersuisoqatigiinnut ilaasortassatut inassutaasut akuerineqassasut
- suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu aalajangiiffigisassanngorlugu ingerlateqqinneqassasoq

Suliassamik saqqummiussineq

Kommunalbestyrelse 2018-imi apriliip ulluisa 10-anni Kommuneqarfik Sermersuumi Sumiiffiit Aqquserngillu Taaguutaannik Siunnersuisoqatigiinnik pilersitsisoqassasoq aalajangerpoq. Sumiiffiit Aqquserngillu Taaguutaannik Siunnersuisoqatigiit Nuummi inissisimapput aammalu suliat Nuup avataanut tunngasut suliarineqassatillugit sumiiffinni najukkani ataatsimiititalianik peqataatitsisarlutik. Siunnersuisoqatigiit Kommunalbestyrelsimut, sumiiffiit aqquserngillu taaguutaannik aalajangiisartumut aqqutissiuussisuupput.

Siunnersuisoqatigiit ileqqoreqqusaat naapertorlugit siunnersuisoqatigiit arfinilinnik ilaasorta qarput, ukiuni marlunni ilaasortaasussatut Kommunalbestyrelsimut qinerneqartartunik.

Qinigaaqqittoqarsinnaavoq. Sumiiffiit Aqquserngillu Taaguutaannik Siunnersuisoqatigiit inissitsiternerminni siulittaasumik siulittaasullu tullianik toqqaassapput.

Maannakkut ilaasortaasut maajip ulluisa 3-anni 2021-mi qinerneqarput, taamaattumillu siunnersuisoqatigiinni ilaasortanik maannakkut qinerseqqittoqassalluni. Ileqqoreqqusat naapertorlugit Sanarfinermut Avatangiisinullu Ingerlatsivik siunnersuisoqatigiinni ilaasortassanik Kommunalbestyrelsimi akuerineqartussanik innersuussuteqassaaq.

Ilaasortanik arfiniliusunit tallimat nalunaarput siunnersuisoqatigiinni ingerlaqqikkusullutik. Lisathe Møller oqaasiliortuneersoq tunuarniarluni kissaateqarpoq.

Siunnersuisoqatigiit sulinerat ataavartuutinniarlugu ingerlatsiviup inassuteqaatigaa, maannakkut ilaasortat tallimaasut ukiuni marlunni ingerlaqqittussatut innersuussutigineqassasut. Peqatigitillugu ingerlatsiviup innersuussutigaa, siunnersuisoqatigiinni oqaasiliortuniit ilaasortaataqarnissaq pingaaruteqartoq, taamaattumillu Arnamineq Abelsen oqaasiliortuniit Lisathe Møller taarserlugu ilaasortanngussasoq innersuussutigalugu. Arnamineq Abelsen qinigassanngortinniarluni ingerlatsivimmuut nalunaarnikuuvoq.

Ilaasortassatut inassutigineqartut:

- Frederik Holm, Illussanik Titartaasartoq Nuummilu innuttaq (Qinigaaqqittussatut)
- Johannes Heilmann, NAPP sinnerlugu ilaasorta (Qinigaaqqittussatut)
- Jakob Mølgaard, sunngiffimmi pinialuttartut peqatigiiffiat sinnerlugu ilaasorta (Qinigaaqqittussatut)
- Hans Lange, Nunatta Katersugaasiviani Museumsinspektør (Qinigaaqqittussatut)
-

- Tittus Dalager, Sanarfinermut Avatangiisinullu Ingerlatsivik sinnerlugu ilaasortaq (Qinigaaqqittussatut)
- Arnamineq Abelsen, Oqaasiliortuni AC-fuldmægtig (Ilaasortassatut nutaatut)

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

Ilangussat

1. Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

Punkt 13: Lukket

Punkt 14: Lukket

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16:10.